



Broj: 02-50-1-16-46/10

Sarajevo, 28.5.2010.

## ZAPISNIK

### 46. sjednice Doma naroda

### Parlamentarne skupštine Bosne i Hercegovine, održane 28.5.2010. godine

Sjednica je počela u 10,20 sati.

Sjednicom je predsjedavao Sulejman Tihić, predsjedavajući Doma naroda Parlamentarne skupštine BiH.

Sjednici je prisustvovalo 12 delegata.

Delegati Mladen Ivanić, Ivo Miro Jović i Hilmo Neimarlija opravdali su odsustvo.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija te sredstava javnog informiranja.

Prije razmatranja dnevnog reda delegat Dušanka Majkić predložila je da se tačka pod rednim brojem 7. Prijedlog zakona o izmjeni i dopunama Zakona o carinskoj politici Bosne i Hercegovine skine s dnevnog reda 46. sjednice Doma naroda.

Nakon rasprave u kojoj su učestvovali: Alma Čolo, Božo Ljubić, Adem Ibrahimpašić i Ilija Filipović, Dom naroda odlučio je da se navedena tačka ne skine s dnevnog reda, već da se Upravi za indirektno oporezivanje dostavi urgencija za postupanje po zaključku s 44. sjednice Doma naroda.

Delegat Branko Zrno predložio je da se u dnevni red uvrsti sljedeća tačka:

- Imenovanje vršioca dužnosti direktora Agencije za prevenciju korupcije i koordinaciju borbe protiv korupcije

Nakon rasprave, Dom naroda, **s deset glasova „za“ i dva glasa „protiv“, usvojio je** sljedeći izmijenjeni i dopunjeni

**DNEVNI RED**

1. Odgovori na delegatska pitanja i delegatska pitanja;
2. Usvajanje zapisnika 44. i 45. sjednice Doma naroda;
3. Izvještaj Zajedničke komisije oba doma o postizanju saglasnosti o identičnom tekstu Zakona o radnom vremenu, obaveznim odmorima mobilnih radnika i uređajima za evidentiranje u cestovnom prijevozu;
4. Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o politici direktnih stranih ulaganja u Bosni i Hercegovini;
5. Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini;
6. Zahtjev Zajedničke komisije za ljudska prava, prava djeteta, mlade, imigraciju, izbjeglice, azil i etiku za razmatranje Prijedloga izmjena i dopuna Kodeksa ponašanja poslanika i delegata u Parlamentarnoj skupštini BiH po hitnom postupku, u skladu s članom 122. Poslovnika Doma naroda;
7. Prijedlog zakona o izmjeni i dopunama Zakona o carinskoj politici Bosne i Hercegovine (drugo čitanje), predlagač: Vijeće ministara BiH;
8. Prijedlog zakona o zaštiti oznaka geografskog porijekla (drugo čitanje), predlagač: Vijeće ministara BiH;
9. Prijedlog zakona o zaštiti topografije integriranog kola (drugo čitanje), predlagač: Vijeće ministara BiH;
10. Prijedlog zakona o industrijskom dizajnu (drugo čitanje), predlagač: Vijeće ministara BiH;
11. Prijedlog zakona o žigu (drugo čitanje), predlagač: Vijeće ministara BiH;
12. Prijedlog zakona o patentu (drugo čitanje), predlagač: Vijeće ministara BiH;
13. Prijedlog zakona o izmjenama i dopunama Zakona o finansiranju političkih stranaka (prvo čitanje), predlagači: delegati Dušanka Majkić, Ilija Filipović i Hazim Rančić;
14. Izvještaj o radu Vijeća ministara BiH za 2009. godinu, materijal Vijeća ministara BiH;
15. Izvještaj o radu Ureda za razmatranje žalbi u 2009. godini;
16. Godišnji izvještaj Centralne banke za 2009. godinu;
17. Finansijski izvještaj Centralne banke za 2009. godinu;
18. Izvještaj o radu i poslovanju Radio-televizije Bosne i Hercegovine za 2009. godinu (podnosilac: Upravni odbor Radio-televizije BiH);
19. Izvještaj o radu Pravobranilaštva BiH za period 1.1.2009. do 31.12.2009.;
20. Izvještaj o radu Agencije za poštanski saobraćaj BiH i Finansijski izvještaj za 2009. godinu;

21. Izvještaj o aktivnostima na projektu „Autoput na Koridoru Vc“ i Plan narednih aktivnosti, materijal Ministarstva komunikacija i prometa BiH;
22. Izvještaj o radu stalnih komisija Doma naroda za 2009. godinu:
  - Ustavnopravne komisije
  - Komisije za finansije i budžet
  - Komisije za vanjsku i trgovinsku politiku, carine, saobraćaj i komunikacije;
23. Izvještaj o radu stalnih zajedničkih komisija oba doma za 2009. godinu:
  - Zajedničke komisije za odbranu i sigurnost BiH
  - Zajedničke komisije za nadzor nad radom Obavještajno-sigurnosne agencije BiH
  - Zajedničke komisije za ekonomske reforme i razvoj
  - Zajedničke komisije za administrativne poslove
  - Zajedničke komisije za evropske integracije
  - Zajedničke komisije za ljudska prava, prava djeteta, mlade, imigraciju, izbjeglice, azil i etiku;
24. Imenovanje pet članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom čiji je potpisnik BiH ili drugi sud u skladu sa zakonom BiH (prijedlog liste kandidata Privremene zajedničke komisije oba doma, 30.3.2010.);
25. Imenovanje vršioca dužnosti direktora Agencije za prevenciju korupcije i koordinacije borbe protiv korupcije;
26. Zahtjev Istražne komisije Doma naroda za produženje roka za dostavljanje izvještaja o izdatim CEMT dozvolama za 2009. godinu prijevoznicima u Bosni i Hercegovini;
27. Mišljenje Komisije za finansije i budžet o zahtjevu Ureda za reviziju za izmjene Zakona o izmjenama i dopunama Zakona o ministarstvima i drugim organima uprave BiH u dijelu koji se odnosi na definiranje Ureda za reviziju institucija BiH kao samostalne upravne organizacije, veza: akt broj 02-16-1-275/10;
28. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u vezi s višekorisničkim programom 2B, za projekte koji zahtijevaju Sporazum o finansiranju u okviru Instrumenata za pretpristupnu pomoć u 2008. godini;
29. Davanje saglasnosti za ratifikaciju Sporazuma između Bosne i Hercegovine i Republike Hrvatske o izmjenama Sporazuma o međusobnom izvršenju sudskih odluka u krivičnim stvarima;

30. Davanje saglasnosti za ratifikaciju Sporazuma o finansiranju između Bosne i Hercegovine i Evropske investicione banke – Kredit Investiciono-razvojne banke i Republike Srpske za mala i srednja preduzeća;
31. Davanje saglasnosti za ratifikaciju Sporazuma o zajmu između Bosne i Hercegovine i Međunarodne banke za obnovu i razvoj (IBRD) – Projekat poboljšanja pristupa finansijskim projektima za mala i srednja preduzeća;
32. Davanje saglasnosti za ratifikaciju Sporazuma o finansiranju između BiH i Komisije Evropskih zajednica u vezi s horizontalnim programom o nuklearnoj sigurnosti i zaštiti od zračenja, u okviru Instrumenta za pretprijetnu pomoć u 2008. godini;
33. Davanje saglasnosti za ratifikaciju Ugovora između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o pravnoj pomoći u građanskim i krivičnim stvarima;
34. Davanje saglasnosti za ratifikaciju Konvencije o zabrani kasetne municije, Oslo, 3.12.2008.

#### **Ad.1. Odgovori na delegatska pitanja i delegatska pitanja**

Odgovore na delegatska pitanja dobili su:

Delegat Slobodan Šaraba dobio je odgovor na pitanje postavljeno na 39. sjednici Doma naroda, a odgovor je stigao nakon što smo na 43. sjednici uputili urgenciju za dostavljanje navedenog odgovora i na pitanje postavljeno na 44. sjednici.

Delegat Adem Ibrahimpašić dobio je odgovor na pitanje postavljeno na 43. sjednici Doma naroda.

Delegat Dušanka Majkić dobila je odgovor na pitanje postavljeno na 44. sjednici Doma naroda.

Delegat Hazim Rančić dobio je odgovor na pitanje postavljeno na 44. sjednici Doma naroda.

Delegat Alma Čolo dobila je odgovor na pitanje postavljeno na 44. sjednici Doma naroda.

Delegat Drago Ljubičić dobio je odgovor na pitanje postavljeno na 44. sjednici Doma naroda.

Delegat Zoran Koprivica dobio je odgovor na pitanje postavljeno na 43. sjednici Doma naroda.

**Delegat** Slobodan Šaraba izjasnio se da je nezadovoljan odgovorom Ombudsmena za ljudska prava BiH na pitanje postavljeno na 44. sjednici i odgovorom Vijeća ministara BiH na pitanje postavljeno na 39. sjednici, dok se izjasnio da je zadovoljan odgovorom Vijeća ministara BiH na pitanje postavljeno na 44. sjednici Doma naroda.

**Delegati:** Adem Ibrahimpašić, Dušanka Majkić i Zoran Koprivica izjasnili su se da su zadovoljni dobivenim odgovorima na postavljena pitanja.

**Delegati:** Hazim Rančić, Alma Čolo i Drago Ljubičić izjasnili su se da su nezadovoljni dobivenim odgovorima na postavljena pitanja.

**Delegat Slobodan Šaraba** postavio je sljedeće pitanje Vijeću ministara BiH i traži da Vijeće ministara BiH ovo pitanje prosljedi i zatraži hitan odgovor od sljedećih institucija: Ministarstva pravde BiH, Agencije za bankarstvo, Udruženja banaka BiH, Ombudsmena BiH, ombudsmena za potrošače registriranih udruženja.

„Šta namjeravaju da urade navedene institucije kako bi zaštitile građane BiH koje su prevarile strane banke i mikrokreditne organizacije“?

**Delegat Božo Ljubić** postavio je sljedeće pitanje Vijeću ministara BiH:

Da li je formirana, i ako nije, u kojoj je fazi formiranja Platna agencija pri Ministarstvu vanjske trgovine i ekonomskih odnosa BiH?

**Delegat Adem Ibrahimpašić** postavio je sljedeće pitanje Vijeću ministara BiH:

“Da li su sporazumi o međusobnom priznavanju certifikata o kvalitetu roba uistinu potpisani s te dvije zemlje i ako jesu, zašto naša preduzeća pri izvozu svojih roba u te zemlje i dalje imaju iste probleme kao i do sada?”

## **Ad.2. Usvajanje zapisnika 44. i 45. sjednice Doma naroda**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** zapisnike 44. i 45. sjednice Doma naroda.

## **Ad.3. Izvještaj Zajedničke komisije oba doma o postizanju saglasnosti o identičnom tekstu Zakona o radnom vremenu, obaveznim odmorima mobilnih radnika i uređajima za evidentiranje u cestovnom prijevozu**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Slobodan Šaraba.

Dom naroda **jednoglasno je usvojio** Izvještaj Zajedničke komisije oba doma o postizanju saglasnosti o identičnom tekstu Zakona o radnom vremenu, obaveznim odmorima mobilnih radnika i uređajima za evidentiranje u cestovnom prijevozu.

#### **Ad.4. Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o politici direktnih stranih ulaganja u Bosni i Hercegovini**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o politici direktnih stranih ulaganja u Bosni i Hercegovini.

#### **Ad.5. Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Drago Ljubičić.

Dom naroda **jednoglasno je usvojio** Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini.

#### **Ad.6. Zahtjev Zajedničke komisije za ljudska prava, prava djeteta, mlade, imigraciju, izbjeglice, azil i etiku za razmatranje Prijedloga izmjena i dopuna Kodeksa ponašanja poslanika i delegata u Parlamentarnoj skupštini BiH po hitnom postupku, u skladu s članom 122. Poslovnika Doma naroda**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Božo Rajić i Zoran Koprivica.

Dom naroda, s deset glasova „za“, jednim glasom „protiv“ i jednim „suzdržanim“ glasom, **nije usvojio** Zahtjev Zajedničke komisije za ljudska prava, prava djeteta, mlade,

imigraciju, izbjeglice, azil i etiku da se Prijedlog izmjena i dopuna Kodeksa ponašanja poslanika i delegata u Parlamentarnoj skupštini BiH razmatra po hitnom postupku. Izmjene i dopune Kodeksa ponašanja poslanika i delegata u Parlamentarnoj skupštini BiH razmatrat će se po skraćenoj proceduri.

**Ad.7. Prijedlog zakona o izmjeni i dopunama Zakona o carinskoj politici Bosne i Hercegovine (drugo čitanje), predlagač: Vijeće ministara BiH**

S obzirom da Upravni odbor Uprave za indirektno oporezivanje BiH nije postupio po zaključku Doma naroda koji je usvojen na 44. sjednici Doma naroda, održanoj 9.4.2010., a kojim se od Upravnog odbora Uprave za indirektno oporezivanje BiH traži da Domu naroda PSBiH dostavi mišljenje o Prijedlogu zakona o izmjeni i dopunama Zakona o carinskoj politici BiH, Dom naroda **jednoglasno je** odlučio poslati urgenciju za dostavljanje mišljenja i odgoditi izjašnjavanje o Prijedlogu zakona.

**Ad.8. Prijedlog zakona o zaštiti oznaka geografskog porijekla (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Zakon o zaštiti oznaka geografskog porijekla sa sljedeća četiri amandmana:

**Amandman I.**

U Prijedlogu zakona o zaštiti oznaka geografskog porijekla u članu 78. stav (6) mijenja se i glasi:

„(6) U postupku osiguranja dokaza, prema odredbama ovog člana, primjenjuju se odgovarajuće odredbe Zakona o parničnom postupku, a koje se odnose na privremene mjere, osim ako je ovim zakonom drugačije određeno.“

**Amandman II.**

U članu 85. stav (1) mijenja se i glasi:

„(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi.“

**Amandman III.**

Iza člana 91. dodaje se novi član 92. koji glasi:

„Član 92.

(Jedinstvena primjena odredbi o Komisiji za žalbe u Zakonu o patentu, Zakonu o žigu i Zakonu o industrijskom dizajnu)

Odredbe čl. 69. i 70. ovog zakona i odgovarajuće odredbe Zakona o patentu, Zakona o žigu i Zakona o industrijskom dizajnu, kojima se uređuje Komisija za žalbe Instituta, primjenjuju se na način da se formira jedna komisija za žalbe.“

#### **Amandman IV.**

Dosadašnji član 92. postaje član 93.

#### **Ad.9. Prijedlog zakona o zaštiti topografije integriranog kola (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Zakon o zaštiti topografije integriranog kola u predloženom tekstu.

#### **Ad.10. Prijedlog zakona o industrijskom dizajnu (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Zakon o industrijskom dizajnu sa sljedećih šest amandmana:

#### **Amandman I.**

U Prijedlogu zakona o industrijskom dizajnu u članu 86. stav (6) mijenja se i glasi:

„(6) U postupku osiguranja dokaza, prema odredbama ovog člana, primjenjuju se odgovarajuće odredbe Zakona o parničnom postupku, a koje se odnose na privremene mjere, osim ako je ovim zakonom drugačije određeno.“

#### **Amandman II.**

U članu 96. stav (1) mijenja se i glasi:

„(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi.“



### **Amandman III.**

Iza člana 102. dodaje se novi član 103. i glasi:

„Član 103.

(Jedinstvena primjena odredbi o Komisiji za žalbe u Zakonu o patentu, Zakonu o zaštiti oznaka geografskog porijekla i Zakonu o žigu)

Odredbe čl. 77. i 78. ovog zakona i odgovarajuće odredbe Zakona o patentu, Zakona o zaštiti oznaka geografskog porijekla i Zakona o žigu, kojima se uređuje Komisija za žalbe Instituta, primjenjuju se na način da se formira jedna komisija za žalbe."

### **Amandman IV.**

Dosadašnji član 103. postaje član 104.

### **Amandman V.**

U članu 16. stav (2) briše se.

### **Amandman VI.**

U članu 73. Prijedloga zakona u stavu (8) riječi: "uz plaćanje takse i plaćanje postupka" brišu se.

U istom članu stav (9) briše se.

U istom članu stav (12) mijenja se i glasi:

“(12) Rješenje o proglašenju rješenja o priznanju industrijskog dizajna ništavim koje je konačno u upravnom postupku Institut će objaviti u službenom glasilu. U slučaju da je pokrenut upravni spor, Sud može, na prijedlog tužioca, donijeti rješenje da se konačno rješenje ne objavljuje do odluke u upravnom sporu.”

### **Ad.11. Prijedlog zakona o žigu (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Zakon o žigu sa sljedeća četiri amandmana:

### **Amandman I.**

U Prijedlogu zakona o žigu u članu 87. stav (6) mijenja se i glasi:

"(6) U postupku osiguranja dokaza, prema odredbama ovog člana, primjenjuju se odgovarajuće odredbe zakona o parničnom postupku, a koje se odnose na privremene mjere, osim ako je ovim zakonom drugačije određeno."

#### **Amandman II.**

U članu 97. stav (1) mijenja se i glasi:

"(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi."

#### **Amandman III.**

Iza člana 103. dodaje se novi član 104. koji glasi:

#### **"Član 104.**

(Jedinstvena primjena odredbi o Komisiji za žalbe u Zakonu o patentu, Zakonu o zaštiti oznaka geografskog porijekla i Zakonu o industrijskom dizajnu)

Odredbe čl. 78. i 79. ovog zakona i odgovarajuće odredbe Zakona o patentu, Zakona o zaštiti oznaka geografskog porijekla i Zakona o industrijskom dizajnu, kojima se uređuje Komisija za žalbe Instituta, primjenjuju se na način da se formira jedna komisija za žalbe."

#### **Amandman IV.**

Dodavanjem novog člana 104. sadašnji član 104. postaje član 105.

### **Ad.12. Prijedlog zakona o patentu (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **usvojio je** Zakon o patentu sa sljedećih sedam amandmana:

#### **Amandman I.**

U Prijedlogu zakona o patentu u članu 107. stav (8) mijenja se i glasi:

„(8) U postupku za izricanje privremene mjere primjenjuju se odredbe Zakona o parničnom postupku, ako ovim zakonom nije drugačije određeno. Postupak u vezi s izricanjem privremene mjere je hitan.“

#### **Amandman II.**

U članu 108. stav (5) mijenja se i glasi:

„(5) U postupku osiguranja dokaza, prema odredbama ovog člana, primjenjuju se odredbe Zakona o parničnom postupku, a koje se odnose na sudske mjere osiguranja, osim ako je ovim zakonom drugačije određeno. Postupak osiguranja dokaza je hitan.“

### **Amandman III.**

U članu 116. stav (1) mijenja se i glasi:

„(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi.“

### **Amandman IV.**

U članu 118. stav (2) mijenja se i glasi:

„(2) Prijave patenata koje su Institutu podnesene prije 27. februara 2002., a po kojima postupak nije okončan, bit će odbijene, odnosno odbačene u dijelu u kojem se zahtijeva zaštita materija ili smjesa u liječenju ljudi ili životinja. Upotreba materija ili smjesa za proizvodnju lijeka za ljude ili životinje ne predstavlja povredu patenta za izum te materije ili smjese ako je prijava za priznanje patenta za taj pronalazak podnesena do 27. februara 2002. godine.“

### **Amandman V.**

Iza člana 122. dodaje se novi član 123. koji glasi:

"Član 123.

(Jedinstvena primjena odredbi o Komisiji za žalbe u Zakonu o žigu, Zakonu o industrijskom dizajnu i Zakonu o oznakama geografskog porijekla)

Odredbe čl. 99. i 100. ovog zakona i odgovarajuće odredbe Zakona o žigu, Zakona o industrijskom dizajnu i Zakona o oznakama geografskog porijekla, kojima se uređuje Komisija za žalbe Instituta, primjenjuju se na način da se formira jedna komisija za žalbe."

### **Amandman VI.**

Dodavanjem novog člana 123. sadašnji član 123. postaje član 124.

### **Amandman VII.**

U članu 32. stav (8) mijenja se i glasi: „Ako podnosilac ne postupi po pozivu Instituta iz člana 6. ovog zakona, prijava patenta kojoj je utvrđen datum podnošenja smatrat će se povučenom, o čemu se donosi poseban zaključak o obustavi postupka.“

**Ad.13. Prijedlog zakona o izmjenama i dopunama Zakona o finansiranju političkih stranaka (prvo čitanje), predlagači: delegati Dušanka Majkić, Ilija Filipović i Hazim Rančić**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Božo Rajić, Slobodan Šaraba, Adem Ibrahimpašić i Hazim Rančić.

Dom naroda je, s devet glasova „za” i tri „suzdržana” glasa, **usvojio u prvom čitanju** Prijedlog zakona o izmjenama i dopunama Zakona o finansiranju političkih stranaka, čiji su predlagači: delegati Dušanka Majkić, Ilija Filipović i Hazim Rančić.

**Ad.14. Izvještaj o radu Vijeća ministara BiH za 2009. godinu, materijal Vijeća ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Božo Ljubić.

Dom naroda je, s osam glasova „za“, jednim glasom „protiv“ i dva „suzdržana“ glasa, **usvojio** Izvještaj o radu Vijeća ministara BiH za 2009. godinu s mišljenjima komisija Doma naroda i zajedničkih komisija oba doma.

**Ad.15. Izvještaj o radu Ureda za razmatranje žalbi u 2009. godini**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Božo Rajić.

Dom naroda **jednoglasno je usvojio** Izvještaj o radu Ureda za razmatranje žalbi u 2009. godini sa sljedećim zaključkom:

Dom naroda traži od Vijeća ministara BiH da riješi odnose između Agencije za javne nabavke BiH i Ureda za razmatranje žalbi povodom primjene Pravilnika o monitoringu postupaka javnih nabavki, koje je donijelo Vijeće ministara BiH, i problem Pravilnika o unutrašnjoj organizaciji Ureda za razmatranje žalbi u odnosu na zahtjev Ministarstva pravde BiH.

**Ad.16. Godišnji izvještaj Centralne banke za 2009. godinu**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Godišnji izvještaj Centralne banke za 2009. godinu.

**Ad.17. Finansijski izvještaj Centralne banke za 2009. godinu**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Finansijski izvještaj Centralne banke za 2009. godinu.

**Ad.18. Izvještaj o radu i poslovanju Radio-televizije Bosne i Hercegovine za 2009. godinu (podnosilac: Upravni odbor Radio-televizije BiH)**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Slobodan Šaraba i Alma Čolo.

Dom naroda **jednoglasno je usvojio** Izvještaj o radu i poslovanju Radio-televizije Bosne i Hercegovine za 2009. godinu.

**Ad.19. Izvještaj o radu Pravobranilaštva BiH za period 1.1.2009. do 31.12.2009.**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Izvještaj o radu Pravobranilaštva BiH za period od 1.1.2009. do 31.12.2009.

**Ad.20. Izvještaj o radu Agencije za poštanski saobraćaj BiH i Finansijski izvještaj za 2009. godinu**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Izvještaj o radu Agencije za poštanski saobraćaj BiH i Finansijski izvještaj za 2009. godinu.

**Ad.21. Izvještaj o aktivnostima na projektu „Autoput na Koridoru Vc“ i Plan narednih aktivnosti, materijal Ministarstva komunikacija i prometa BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Izvještaj o aktivnostima na projektu „Autoput na Koridoru Vc“ i Plan narednih aktivnosti sa sljedećim zaključkom:

1. Daje se podrška Vijeću ministara BiH i Ministarstvu komunikacija i prometa BiH da nastave aktivnosti na izradi neophodne projektne dokumentacije i time osiguraju ubranu izgradnju Autoputa na Koridoru Vc kroz BiH.
2. Zadužuju se Vijeće ministara BiH, Ministarstvo komunikacija i prometa BiH i Odbor za nadzor realizacije projekta Autoput na Koridoru Vc da, u saradnji s nadležnim organima u Federaciji BiH, riješe pitanje položaja spornih dijelova trase s ciljem izdavanja saglasnosti i dozvola za izgradnju prioriternih dionica, a što se odnosi i na dionicu Zvirovići - Počitelj na Autoputu na Koridoru Vc.
3. Zadužuje se Ministarstvo komunikacija i prometa BiH da u Planu narednih aktivnosti predvidi pružanje stručne pomoći kako bi nadležni organi u Federaciji BiH usvojili prostornu osnovu za Prostorni plan područja posebnih obilježja značajnih za Federaciju BiH „Autoput na Koridoru Vc“ za period od 2008. do 2028. za čitavu trasu Autoputa na Koridoru Vc koji prolazi kroz Federaciju BiH.
4. Nakon realizacije navedenog, zadužuju se Vijeće ministara BiH i Ministarstvo komunikacija i prometa BiH da, u saradnji s nadležnim organima u Federaciji BiH, nastave pregovore o zaključenju kreditnih sporazuma s međunarodnim finansijskim institucijama za potrebe izgradnje Koridora Vc.

#### **Ad.22. Izvještaj o radu stalnih komisija Doma naroda za 2009. godinu:**

- **Ustavnopravne komisije**
- **Komisije za finansije i budžet**
- **Komisije za vanjsku i trgovinsku politiku, carine, saobraćaj i komunikacije**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Izvještaj o radu stalnih komisija Doma naroda za 2009. godinu, i to:

- Ustavnopravne komisije
- Komisije za finansije i budžet
- Komisije za vanjsku i trgovinsku politiku, carine, saobraćaj i komunikacije.

**Ad.23. Izvještaj o radu stalnih zajedničkih komisija oba doma za 2009. godinu:**

- **Zajedničke komisije za odbranu i sigurnost BiH**
- **Zajedničke komisije za nadzor nad radom Obavještajno-sigurnosne agencije BiH**
- **Zajedničke komisije za ekonomske reforme i razvoj**
- **Zajedničke komisije za administrativne poslove**
- **Zajedničke komisije za evropske integracije**
- **Zajedničke komisije za ljudska prava, prava djeteta, mlade, imigraciju, izbjeglice, azil i etiku.**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio** Izvještaj o radu stalnih zajedničkih komisija oba doma za 2009. godinu, i to:

- Zajedničke komisije za odbranu i sigurnost BiH
- Zajedničke komisije za nadzor nad radom Obavještajno-sigurnosne agencije BiH
- Zajedničke komisije za ekonomske reforme i razvoj
- Zajedničke komisije za administrativne poslove
- Zajedničke komisije za evropske integracije
- Zajedničke komisije za ljudska prava, prava djeteta, mlade, imigraciju, izbjeglice, azil i etiku.

**Ad.24. Imenovanje pet članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom čiji je potpisnik BiH ili drugi sud u skladu sa zakonom BiH (prijedlog liste kandidata Privremene zajedničke komisije oba doma, 30.3.2010.)**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Božo Rajić, Zoran Koprivica, Božo Ljubić, Alma Čolo, Ilija Filipović i Adem Ibrahimpašić.

Na zahtjev delegata Bože Rajića i Bože Ljubića, Dom naroda je, s **deset glasova „za“ i dva glasa „protiv“**, skinuo s dnevnog reda navedenu tačku.

**Ad.25. Imenovanje vršioca dužnosti direktora Agencije za prevenciju korupcije i koordinacije borbe protiv korupcije**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Božo Rajić, Zoran Koprivica, Božo Ljubić, Alma Čolo, Ilija Filipović i Adem Ibrahimpašić.

Na zahtjev delegata Bože Rajića i Bože Ljubića, Dom naroda je, **s deset glasova „za“ i dva glasa „protiv“**, skinuo s dnevnog reda navedene tačke.

**Ad.26. Zahtjev Istražne komisije Doma naroda za produženje roka za dostavljanje izvještaja o izdatim CEMT dozvolama za 2009. godinu prijevoznicima u Bosni i Hercegovini**

Predsjedavajući Doma naroda otvorio je raspravu o ovim tačkama dnevnog reda. U raspravi je učestvovao Božo Rajić.

Dom naroda **jednoglasno je usvojio** Zahtjev Istražne komisije Doma naroda za produženje roka za dostavljanje izvještaja o izdatim CEMT dozvolama za 2009. godinu prijevoznicima u Bosni i Hercegovini. Rok se produžava do 30.6.2010.

**Ad.27. Mišljenje Komisije za finansije i budžet o zahtjevu Ureda za reviziju za izmjene Zakona o izmjenama i dopunama Zakona o ministarstvima i drugim organima uprave BiH u dijelu koji se odnosi na definiranje Ureda za reviziju institucija BiH kao samostalne upravne organizacije, veza: akt broj 02-16-1-275/10**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda **jednoglasno je usvojio Mišljenje** Komisije za finansije i budžet o zahtjevu Ureda za reviziju za izmjene Zakona o izmjenama i dopunama Zakona o ministarstvima i drugim organima uprave BiH u dijelu koji se odnosi na definiranje Ureda za reviziju institucija BiH kao samostalne upravne organizacije.

Dom naroda također je usvojio sljedeći zaključak:

„Dom naroda nalaže Vijeću ministara BiH da ODMAH, po hitnoj proceduri, dostavi Parlamentarnoj skupštini BiH izmjene i dopune Zakona o ministarstvima i drugim organima uprave BiH tako što će se iz člana 6. stav (1) brisati tačka 22.“



Predsjedavajući Doma naroda otvorio je raspravu o ovim tačkama dnevnog reda. Nije bilo delegata prijavljenih za raspravu. Dom naroda jednoglasno je dao saglasnost za ratificiranje:

- Ad.28. Sporazuma o finansiranju između Bosne i Hercegovine i Komisije Evropskih zajednica u vezi s višekorisničkim programom 2B, za projekte koji zahtijevaju Sporazum o finansiranju u okviru Instrumenta za pretpristupnu pomoć u 2008. godini**
- Ad.29. Sporazuma između Bosne i Hercegovine i Republike Hrvatske o izmjenama Sporazuma o međusobnom izvršenju sudskih odluka u krivičnim stvarima;**
- Ad.30. Sporazuma o finansiranju između Bosne i Hercegovine i Evropske investicione banke – Kredit Investiciono-razvojne banke i Republike Srpske za mala i srednja preduzeća;**
- Ad.31. Sporazuma o zajmu između Bosne i Hercegovine i Međunarodne banke za obnovu i razvoj (IBRD) – Projekat poboljšanja pristupa finansijskim projektima za mala i srednja preduzeća;**
- Ad.32. Sporazuma o finansiranju između BiH i Komisije Evropskih zajednica u vezi s horizontalnim programom o nuklearnoj sigurnosti i zaštiti od zračenja, u okviru Instrumenta za pretpristupnu pomoć u 2008. godini;**
- Ad.33. Ugovora između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o pravnoj pomoći u građanskim i krivičnim stvarima;**
- Ad.34. Konvencije o zabrani kasetne municije, Oslo, 3.12.2008.**

Sjednica je završena u 12,25 sati.

Sastavni dio ovog zapisnika je neautorizirani transkript 46. sjednice Doma naroda.

**SEKRETAR**  
**DOMA NARODA**  
Marin Vukoja

**PREDSJEDAVAJUĆI**  
**DOMA NARODA**  
Sulejman Tihić